

《中國地方藝文薈萃》總委會 編

中國地方藝文薈萃

學苑出版社

華東卷·第九輯 陸

華東卷·第八輯
陸

中國地方藝文薈萃

《中國地方藝文薈萃》編委會 編

德州师范学院内部使用

金陵詩徵四十四卷（五）

貴州师范学院内部使用

金陵詩徵四十四卷（五）

（清）朱緒曾輯

據清光緒十八年（一八九二）刻本影印

金陵詩徵卷三十七

上元朱緒曾編

元

張頌

頌字達善其先蜀之導江人蜀亡僑寓江左至元中行臺中丞吳曼慶聞其名延致江甯學官從遊甚眾遠近學者稱曰導江先生有經說文集行世元史有傳

復孔子手植檜

孔廟有宣聖手植檜燬于丙戌之火根或戕之後八十年歲在癸巳是為至元三年導江張頌為教授甲午仲春東廡頽阨壁隙開茁焉其芽復植于故處矢之曰此檜日茂則孔氏日興明年翠色葱然詩以識之

言後三十一
茲檜之幹高參於天茲檜之根深及于泉為聖手植曰歲二
千氣芳而達色殷而堅崑岡填玉斧斨茹連嘉種衍芽茁乎
舊聞孔氏以興矢言有焉粵若三祀葱葱芊芊聖道以續聖
澤以延自今以始千億萬年

僕玉立

玉立字世玉高昌籍居僕輦河上因以僕為氏父文

質移家瀨水即今溧水延祐戊午進士歷官湖廣僉事海

北海南道肅政廉訪使有清源續志明丁雄飛曰今溧水多僕姓本

元人僕文質後裔世為瀨渚大族

登德風亭詩

潞郡古黎國歷韓分晉陽右顧帶河汾左揖聳太行高阜俯
四十風氣殊勁剛道路閱修阻山嶽互低昂州治列方中有

亭跨崇岡翬飛炫華構迢遞瞰大荒猶如滄海珠羣龍護其
傍雲烟恣吞吐巖如發幽光城堞俄前陳冠蓋來相望匪唯
壯游觀庶保斯民康孰奏南薰琴於彼君子堂春風偃露草
夜月照屋梁持節眺所臨酷暑生清涼儼佛陳迹異對景多
慨慷

楔哲篤

哲篤字世南居瀨水玉立弟登延祐乙卯進士第歷

官至工部尙書參知政事

句容重修縣學記題正議大夫中書工部尙書高昌

楔哲篤撰

題趙千里夜潮圖

風濤洶湧千堆雪拍岸翻空倒銀闕雁聲驚起一江秋萬里
無雲挂明月

程端學

端學字時叔慶元籍居金陵至治辛酉進士仕至太常博士有積齋集元史附傳

乙丑初至江東精舍山主王豈巖寫示詩盈軸輒次首
篇韻爲謝

蒼壁衛精舍輕霞冠崇構門逕旣威夷竹樹亦森秀前臨秦淮流後倚鍾山岫道講如砥矢學謹不徑竇高堂奉宣尼兩箱來異茂澗溪虔采蘋尊爵嚴奠酎入者旣得門而漸見美富主人造士心四教順時候顧我如爰居入耳眩金奏滿百不以聞豈但容其後

張雨

雨字伯雨一字天雨原名澤之海昌人棄家爲茅山

道士名嗣真自號貞居又號句曲外史有貞居集

伯雨

父逢源字淵甫本九成之後宋末爲漳州僉判有月泉精舍吳人周大靜爲許宗師弟子得楊許遺書外

史師事之入開元宮從

真人王壽衍爲道士

趙松雪見其字勁健贈以雲麾碑令師法之書果超

越飲酣伸紙作大草尤妙小楷變率更家數世稱二

絕嘗入京詩名振一時壽衍復偕入朝被璽書賜驛

傳欲官之非其志也卽自誓不更出因居三茅所著

三世集三卷碧岩元會

錄二卷尋山志十五卷

元洲精舍

吾愛柴桑言所居何必廣況此金鄉室寸地皆福壤岩栖晚
更幽微雪帶林莽風生獨獸號山空眾泉響有聞唯寂音無
垢卽純想昔賢非樂此澹泊欲誰賞

建鄴青溪堂

青溪一曲清如許羽人築堂據溪許簷閒倒景浴朝暎鏡裏

言得三十一
三
圓文寫春雨碁聲時驚白鳥下厨香日采青芹煮寄語平生
孔稚圭鍾山草堂元不數

畫雪有敘

蔡天啟詩云收得三茅風雨樣高堂六月是冰壺蓋
其善畫自稱道如此辛未十二月二十八日大雪戲
作畫雪一章

絕笑丹陽蔡天啟愛寫三茅風雨圖三茅得雪真無價紫微
閣中不敢摹小峰如玉人絕頂銀橋孤白龍安尾寒垂胡龍
髯膠折青珊瑚營邱索酒乍槃礴老范卻立爲長吁仙人郭
忠恕縲車綱一作細筆界元符瑤臺劃然三百疊金殿玉屏交
網珠天風颺輪凍模糊顛倒元氣朝香鑪半空驚起趙齷齪
鐵冠墮地爲於菟陶塘三館閒研粉縑素鋪王維工寫蒼筤
節韓生貌得詩人驢畢宏韋偃最雄傑一掃晉朝雙柏枯古

名畫史天爲徒安得諸賢折簡呼昌黎雜記正如畫點綴雪中還老夫不信賞心亭上看袁安一片今在無

元洲唱和

茅山元洲精舍左右真仙古蹟曰菌山羅姑洞霞架海鶴臺柯華源元洲精舍紫軒火浣壇隱居松玉像龕至治二年壬戌歲道吳興溪上與松雪學上倡和十絕以記其處仍書刻石山中

菌山

靈邱狀三秀紫雲覆其巔易我朝生質閱彼大椿年

羅姑洞

九疑得道女受事易遷家詩贈金條脫人逢萼綠華

霞架海

日芒架金色虹梁飲鳳阿直把天孫袂烏鵲詎填河

鶴臺

言律三十一
靜夜颯靈風神君語帳中至今雙白鶴時下五雲峰

桐華源

華林清散景丹水碧凝脂落葉秋無數一作宜都懶寄詩

元洲精舍

李基遺故鼎趙嘯絕風雲悠悠千載下更復屬夫君

紫軒

元窗太霞氣赤書洞古文借問軒中主莫是紫陽君

火浣壇

眞火本無候眞人自出現問埽劫灰餘幾見紅蓮變

隱居松

露壇栖妙蔭仙籟降靈芬何時三易帔重拂兩梢雲

玉像龕

瑞儀温比玉

一作德

寶帔曲流光稽首大司命料理任金鄉

句容趙漢章松澗堂

誰展虛堂坐翠寒從橫圖史有餘寬樹枝曾閱嘉平臘石盤
猶含抱朴丹靜士心源如白水老人年髮比蒼官清流蔭映
芝蘭秀我欲相從賦考槃

燕口洞

岩扁岫峴杳難期欲寫黃庭寄所思誰信碧桃花落去丹砂
空漫漚麻池

丁復

復字仲容天台籍官集慶路學訓導因移家金陵有

檜亭集九卷

檜亭負詩名延祐初游京師與楊載范
梈同被薦辭不就放情詩酒浪跡江淮

三徙居家金陵之城北地既深僻有園亭之勝古檜
列植左右蒼茂若雲客至欵坐亭上日脩然以爲樂

名其集曰檜亭金陵新志卷尾校訂姓氏有訓導丁
 復知至正時曾官儒學也其婿饒介之門人李謹之
 各有編輯南臺監察御史張惟遠合編為九卷至正
 十年刊于集慶學舍偶檢乾坤清氣集所錄復詩多
 出集外中山李桓云君博學才敏為詩精麗奇偉格
 超而趣遠上元楊翮云仲容晚歲盤桓于冶城龍河
 之間灌園自樂引
 鴈揮毫語率高絕

送周士德還北

東風吹花繞白門南人送客開綠尊綠尊空盡客當發白門
 惜別花無言周郎挾書南州讀濯髮春江水光綠功名早年
 一唾手鄉里老人皆刮目巍巍廊廟急需材明日辟書天上
 來鳳凰翩翩下千仞羽翼五彩江南臺南竹有實梧有樹歸
 飛即向岡頭去霜風一肅天地春鬱作雲雷散霖雨老夫借
 屋隣僧房門前蓬蒿十丈長目力苦短耳力強喜聞斯世登

虞唐

金陵送人還武昌

相送白鷺洲因思黃鶴樓遙觀禹王蹟重起禰生愁西上不
可得東關曾獨留江吞趙佗石歲月但空流

九日一日游昭亭

在宣州

山色江光帶近郊道傍楊柳舞寒條半生九日黃花酒多在
西風白下橋千里客游仍暮景異鄉人事又今朝老來未遣
登臨懶盡醉東家綠玉瓢

次韻黃雲翼登雨華臺

城郭江山祇舊時野園村巷總新詩衣冠昔日繁華地錦繡
春風婀娜枝慷慨莫歌周室黍昇平方報漢房芝願聞聖主
賢臣頌最是王褒鬢未絲

近仁臺郎見示樊左司在南臺時憶昨五首柯博士蘇

徵君既爲和之天台丁復僑居金陵草莽之臣也不
能細悉奎章故事欽覩先皇潛飛之盛猶能記之僭
用元韻以寓鼎湖之思云爾

猶記飛龍北上時從臣鞍馬雁差差鳳皇自是巢高閣螻蟻
何因集下墀翠輦看花臨御苑彩毫摘藻綴文漪太平不願
論封禪自擬元和聖德詩

猶記奎章擁紫薇五雲流彩日揚輝已頒玉果開春宴亦賜
金蓮送夜歸俊逸詩篇臨鮑照風流人物動崔徽還憐杜牧
秋娘賦色淡甯堪補舜衣

逢僧話舊

朱雀橋頭白下門舊遊回首幾人存令威不返遼東鶴圓澤
難招石上魂金刹火餘灰未冷錦囊詩在墨猶溫南來邂逅